



**RAPORT
MONITORIMI I SEKTORIT
TË MJEDISIT NË KOMUNËN
E MITROVICËS
JUGORE**

20
22



RAPORT MONITORIMI I SEKTORIT TË MJEDISIT NË KOMUNËN E MITROVICËS SË JUGUT – 2022

Autor dhe botues: EC Ma Ndryshe

Rr. Fehmi Lladrovci 94, Prizren,
Rr. Xhemajl Mustafa 9/1 LL-4 No.7

www.ecmandryshe.org
info@ecmandryshe.org

029 222 771/038 224 967

Raporti “MONITORIMI I SEKTORIT TË MJEDISIT NË KOMUNËN E MITROVICËS SË JUGUT – 2022” është realizuar nga EC Ma Ndryshe, i cilimbështetet nga Agjencia Suedeze për Zhvillim dhe Bashkëpunim Ndërkombëtar, (Sida) përmes Programit të saj “Human Rightivism” që implementohet nga Community Development Fund – CDF.

Përmbajtja dhe qëndrimet e paraqitura këtu nuk përfaqësojnë qëndrimin zyrtarë të donatorëve.



Maj, 2023

PËRMBAJTJA:

Hyrje

Gjetjet e raportit

01

Skema institucionale për planifikimin dhe menaxhimin mjedisor

Statistikat Kryesore - 2022

02

Korniza ligjore

03

Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

04

Mbikëqyrja inspektive dhe raportimi mjedisor

Raportet mjedisore në nivelin lokal

05

Krijimi, grumbullimi, menaxhimi i të dhënave dhe sistemit të menaxhimit të të dhënave.

06

Bashkëpunimi, koordinimi dhe pjesëmarrja publike

07

Licencimi dhe lejet mjedisore

Përfundime

Rekomandimet

Për EC

Hyrje

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunitat e Kosovës. Disa nga komunitat kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

Ligji nr.03/L-025 për mbrojtjen e mjedisit

Ligji nr.03/L-233 për mbrojtjen e natyrës

Ligji nr.03/L-160 për mbrojtjen e ajrit nga ndotja

Ligji nr.2003_3 për pyjet e Kosovës

Ligji nr.04/L-147 për ujërat e Kosovës

Ligji nr.04/L-060 për mbeturina

Ligji nr.06/L-035 për veprimtaritë hidrometeorologjike

Ligji nr.03/L-119 për produktet biocide dhe shtojcat

Ligji nr.02/L-53 për gjuetinë

Ligji nr.04/L-197 për kimikate

Ligji nr.04/L-174 për planifikimin hapësinor

Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit. Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore.

Në fund janë adresuar edhe disa rekomandime me qëllim të përmirësimeve dhe plotësimeve në proceset e Planifikimit dhe Menaxhimit Mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

Gjetjet e raportit

1. Skema institucionale për planifikimin dhe menaxhimin mjedisor

Në Komunën e Mitrovicës, organi përgjegjës për Planifikim dhe Menaxhim Mjedisor është Sektori i Mjedisit (SM) dhe Sektori për Menaxhimin e Mbeturinave dhe Ambientit (SMMA) që funksionojnë në kuadër të Drejtorisë për Mbrojtjen e Mjedisit. Stafi i DMM-së, përbëhet prej gjithsej 13 punonjësve, prej të cilëve 2 janë të angazhuar në Sektorin e Mjedisit dhe 2 në Sektorin e Menaxhimit të Mbeturinave dhe Ambientit.

ORGANI KOMUNAL	A ËSHTË THEMELUAR?	EMRI ZYRTAR	FUQIA AKTUALE PUNËTORE
Drejtoria	Po	Drejtoria për Mbrojtje të Mjedisit	13
Sektori	Po	Sektori i Mbrojtjes së Mjedisit	2
Sektori	Po	Sektori i Menaxhimit të Mbeturinave dhe Ambientit	2
Sektori	Po	Sektori i Pylltarisë	8
Zyrtarët	Po	Zyrtar të mjedisit	2

Numri i angazhuar i shërbyesve civil sipas deklaratave të zyrtarëve të SM dhe SMMA nuk është i mjaftueshëm për kryerjen e detyrave të përcaktuara me kornizën ligjore dhe se kanë nevojë për të angazhuar më shumë staf. Sipas tyre shërbyesit civil në SM dhe SMMA kanë profilet e nevojshme profesionale për kryerjen e detyrave të përcaktuara me kornizën ligjore, ku nga shkalla 1 (aspak) deri në 5 (shkëlqyeshëm), kanë dhënë vlerësimin 4. Por në të njëjtën kohë janë shprehur se pavarësisht profileve të tyre është akoma e nevojshme që të mbahen trajnime nga niveli qendror për legjislationin e ri.

SM dhe SMMA ka bërë të ditur se gjatë vitit 2022 për punonjësit e këtij sektori nuk janë organizuar trajnime rreth kornizës ligjore, as nga niveli qendror, e as nga komuna apo ndonjë organizatë tjetër, ndërsa sa i përket çështjeve mjedisore ata kanë qenë përfitues të disa trajnimeve të organizuara nga GIZ.

Stafi i SM dhe SMMA njëjtë si vitin e kaluar nuk ka shfrytëzuar ndonjë udhëzues profesional për planifikimin dhe menaxhimin e çështjeve mjedisore, por gjatë kryerjes së detyrave kryesisht është fokusuar në legjislationin në fuqi dhe dokumentet strategjike.

Statistikat Kryesore - 2022:

- Numri i zyrtarëve të angazhuar në SM dhe SMMA – 4
- Numri i trajnimeve rreth kornizës ligjore – 0
- Numri i trajnimeve sipas fushës mjedisore – disa trajnime (nuk është specifikuar ndonjë numër i saktë)
- Numri i Udhëzuesve Profesional për Planifikimin dhe Menaxhimin Mjedisor – 0

2. Korniza ligjore

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Mitrovicës, përkatësisht SM ka raportuar se mbështetet në këto dokumente ligjore:

1. LIGJI NR.03/L-025 PËR MBROJTJEN E MJEDISIT
2. LIGJI NR. 08/L-071 PËR NDRYSHIMIN DHE PLOTËSIMIN E LIGJIT NR.04/L-060 PËR MBETURINA

Zyrtarët e SM dhe SMMA të Komunës së Mitrovicës kanë shprehur bindjen se korniza ligjore mjedisore është pjesërisht e konsoliduar, kjo pasiçë sipas tyre komuna e tyre nuk është konsultuar fare gati në asnjë ligj për fushën e mjedisit, dhe disa kompetenca nuk janë të qarta, e në njëjtën kohë nuk janë mbajtur trajnime të duhura, sqarime me udhëzime e problematika të tjera të ngjashme me këto.

Ndërsa njohuritë e stafit të këtij sektori rreth kornizës respektive ligjore i kanë notuar me 4, nga 1/aspak deri 5/shkëlqyeshëm.

3. Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

Ndryshe nga viti i kaluar këtë vit Plani Lokal i Veprimit në Mjedis është aktiv dhe në bazë të tij vit pas viti edhe raportohet në mënyrë vjetore zbatueshmëria e tij. Sipas zyrtarëve strategjitë mjedisore lokale me strategjitë qendore janë mirë të harmonizuara pasiçë pas aprovimit në Kuvendin e Komunës shkojnë për miratim në Ministrinë e Mjedisit, Planifikimit Hapësinor dhe Infrastrukturës.

SM dhe SMMA kanë raportuar vetëm për dy projekte kapitale për rregullimin, promovimin dhe mbrojtjen e mjedisit të cilat janë realizuar përgjatë vitit 2022, këto dy projekte kanë pasur të bëjnë me rregullimin e pikave për konteiner në pesë lokacione në qendër të qytetit dhe me pastrimin e deponive ilegale në qendër dhe zona rurale.

Ndërsa sa i përket masave të ndërmarra për mbrojtjen e mjedisit, zyrtarët raportojnë se kanë marrë masa për mbrojtjen dhe zhvillimin e pyjeve, masa për mbrojtjen e vlerave të natyrës që shpall Komuna dhe masa të tjera për mbrojtjen e mjedisit si eliminimi i deponive ilegale, aksione pastrimi dhe fushata vetëdijesimi për mbrojtjen e mjedisit.

Planet e nivelit lokal për menaxhimin mjedisor

Lloji i planit	Emri i dokumentit	Statusi	Koha e hartimit	Kohëzgjatja e mandatit	Hartuesi	Disponuesh-ëmria e raporteve të zbatimit
Planet Lokal i Veprimit në Mjedis	Plani Lokal i Veprimit në Mjedis (PLVM)	Në proces për Miratim	2022	2022-2027	Komuna	Po, raporte vjetore
Plani Komunal për Menaxhimin me mbeturina	Plani Komunal për Menaxhimin me Mbeturina 2023-2028	Në finalizim të hartimit	2023	2023-2028	Komuna/GIZ	Ende nuk është miratuar
Vlerësimi Strategjik Mjedisor	Vlerësimi Strategjik Mjedisor (VSM) për PZHK	Në zbatim	2020	8 vite	Drejtoria e Urbanizmit dhe Kompania Private	/
Vlerësimi i Ndikimit në Mjedis	/	/	/	/	/	/
Plani Komunal për Menaxhimin e Mbeturinave	PKMM	/	2021	5 vite	Komuna	/
Plani Zhvillimor Komunal	Plani Zhvillimor Komunal (PZHK)	Në zbatim	2020	8 vite	Drejtoria e Urbanizmit dhe kompania Private	/
Harta Zonale e Komunës	Harta Zonale e Komunës	Në proces	2021	8 vite	Drejtoria e Urbanizmit dhe Kompania Private	/
Plani i rregullimit të tokës	/	/	/	/	/	/
Programi për mbrojtjen nga veprimet e dëmshme të ujërave	/	/	/	/	/	/

Projektet kapitale të nivelit lokal për rregullimin, promovimin dhe mbrojtjen e mjedisit

Emri i projektit	Statusi	Periudha e realizimit	Vlera e kontratës	Autoriteti kontraktues	Lokacioni	Fusha tematike	Partneri zbatues	Plani
Rregullimi i pikave për kontenier	Kryer	Nëntor 2022	16,000.00€ (afërsisht)	Komuna	5 Lokacione në Qendër	Menaxhimi i Mbeturinave	/	/
Pastrimi i Deponive Ilegale	Kryer	Janar-Dhjetor 2022	50,000.00€ (afërsisht)	Komuna	Disa Lokacione në qendër dhe zona rurale	Menaxhimi i Mbeturinave	KRM UNITETI	/

Masat e nivelit lokal për mbrojtjen e mjedisit

Masat	Masat konkrete	Statusi	Periudha e realizimit	Entiteti përgjegjës	Lokacioni	Fusha tematike	Plani/Vendimi
Masat për rregullimin e pellgjeve lumore në zonat urbane;	/	/	/	/	/	/	/
Masat për mbrojtjen dhe zhvillimin e pyjeve;	Parandalimi prerjeve ilegale të pyjeve, pyllëzime dhe ripyllëzime	Në vazhdimësi	Cdo ditë të vitit	Sektori i Pyjeve	Teritori Administrativ i Komunës	Mbrojtja e Pyjeve	/
Masat për mbrojtjen e vlerave të natyrës që shpall Komuna;	Komuna ka miratuar mbrojtjen e monumenteve natyrore	Në vazhdimësi	Cdo ditë të vitit	Inspekcioni Komunal, Sektori i Pyjeve me Agjensionin e Natyrës - MMPHI	Teritori Administrativ i Komunes	Mbrojtja e monumenteve natyrore	/
Masat emergjente për të normalizuar gjendjen e cilësisë së ajrit;	/	/	/	/	/	/	/

Masa të tjera për mbrojtjen e mjedisit;	Aksione pastrimi dhe vetëdijesimi	Në vazhdimësi	Në vazhdimësi, me shoqëri të civilë dhe nxënës	Sektori i Mbeturinave dhe Sektori i Mjedisit	Teritori Administrativ i Komunës	Sektori i Mbeturinave dhe Sektori i Mjedisit	/
Masa të tjera për mbrojtjen e mjedisit;	Rekomandimi i vazhdueshëm dhe monitorimi i Deponisë së Mbeturinave në Germovë	Në vazhdimësi	Në vazhdimësi, por mbulimi me dhe ndodh kryesisht një here në muaj	Sektori i Mbeturinave dhe Drejtoria e Inspeksionit	Deponia Germovë	Mbrojtja e Mjedisit	/

4. Mbikëqyrja inspektive dhe raportimi mjedisor

Komuna e Mitrovicës nuk ka raportuar sa i përket pjesës se a bëhet inspektimi i zbatimit të kornizës ligjore të mbrojtjes së mjedisit, gjersa në anën tjetër kanë pohuar se hartimi i raporteve përkatëse realizohet në mënyrë periodike.

Edhe gjendja e deponive të mbeturinave sipas zyrtarëve monitorohet në vazhdimësi por nuk kanë zhvilluar vlerësime të ndikimit të tyre në mjedis, duke u shprehur në vijim se në mënyrë periodike këto deponi janë pastruar/eliminuar nga ana e komunës.

Sa i përket gjendjes së zonave të mbrojtura dhe gjendjes së pyjeve, është thënë se bëhet monitorimi nga ana e komunës dhe Institutit për Mbrojtjen e Natyrës në kuadër të MMPHI-së. Ndërsa për gjendjen e pyjeve monitorimi realizohet nga Agjensioni i Pyjeve të Kosovës dhe nga Sektori i Pylltarisë, pa dhënë detaje të mëtutjeshme. Sa i përket çrregullimeve mjedisore nga aktivitetet e personave fizik ose juridik si rast zyrtarët kanë theksuar hapësirën buzë lumit Sitnica ku qytetarët vazhdimisht hudhin sasi të mëdha të mbeturinave duke shkaktuar kështu ndotje. Sa i përket inspektimeve mjedisore kjo komunë edhe pse pa inspektor për vitin 2022 ka lëshuar gjithsej 45 gjoba mandatore për ndotjen e mjedisit, 4 gjoba sipas ligjit për mbeturina dhe 1 aktvendim të adresuar në gjykatën themelore.

Më tutje, zyrtarët janë përgjigjur se ka shumë raste kur janë shqiptuar fletëparaqitje, gjoba për prerje ilegale të drunjëve. Ndërkaq theksohet se sa i përket kushteve të vendgjethive nuk janë identifikuar tejkalime, pasiçë ata kanë të kontraktuar shoqatën e licencuar që menaxhon këto veprimtari.

Raportet mjedisore në nivelin lokal

Lloji i raportit	Emri i dokumentit	Statusi	Koha e hartimit	Periudha e raportimit	Komente
Raporti zbatimit të Planit të Veprimit në Mjedis	Raporti Vjetor i Punës 2022	Kryer	Janar – Dhjetor 2022	Dhjetor 2022	/
Raporti i zbatimit të Programeve Mjedisore	/	/	/	/	/
Raporti i zbatimit të Planit të Menaxhimit të Mbeturinave	Raporti Vjetor për Mbeturina 2022	Kryer	Janar -Dhjetor 2022	Dhjetor 2022	/
Raporti i zbatimit të Planit Zhvillimor Komunal	/	/	/	/	/
Raporti i zbatimit të Hartës Zonale të Komunës	/	/	/	/	/
Raporte të zbatimit të Programit për mbrojtjen nga veprimet e dëmshme të ujërave	/	/	/	/	/

5. Krijimi, grumbullimi, menaxhimi i të dhënave dhe sistemit të menaxhimit të dhënave

Komuna e Mitrovicës edhe gjatë vitit 2022 nuk ka pasur sistem të monitorimit të cilësisë ajrit, por mikëqyrja sistematike e cilësisë së ajrit realizohet nga niveli qendror të cilët në këtë komunë kanë të vendosur një stacion.

Kjo komunë, po ashtu nuk ka sistem të monitorimit të dheut, e as sistem të monitorimit të cilësisë së ujërave sipërfaqësore dhe nëntokësore, këtu realizohet vetëm mikëqyrja sistematike e cilësisë së ujërave nga ujësjellësi. Ndërsa sa i përket parashikimit dhe paralajmërimit të hershëm të vërshimeve dhe thatësirave zyrtarët komunal nuk kanë dhënë përgjigje.

Zyrtarët kanë raportuar se akoma nuk kanë të ndërtuar sistem të menaxhimit të të dhënave mjedisore, por vetëm kanë treguar se kanë raporte të rregullta vjetore të cilat përditësohen në mënyrë periodike. Gjithashtu është theksuar se nuk ka kapacitete të mjaftueshme teknike e as njerëzore për krijimin, grumbullimin dhe menaxhimin e të dhënave mjedisore, dhe se kanë shumë nevojë për trajnime, pajisje dhe udhëzues praktikë.

6. Bashkëpunimi, koordinimi dhe pjesëmarrja publike

Zyrtarët përgjegjës të Komunës së Mitrovicës, bashkëpunimin dhe koordinimin me nivelin qendror në hartimin e akteve ligjore dhe nënligjore dhe hartimit të strategjive mjedisore e kanë vlerësuar jo shumë të mirë pasiçë e kanë theksuar se duhet të ketë më shumë bashkëpunim.

Sipas tyre edhe niveli i bashkëpunimit me organizatat joqeveritare sa i përket zhvillimit të aktiviteteve të ndryshme, është në nivel të kënaqshëm por edhe me ta mendojnë se ky bashkëpunim në të ardhmen duhet të rritet. Ndërsa zhvillimin e proceseve me pjesëmarrje publike gjatë hartimit të dokumenteve të planifikimit dhe menaxhimit mjedisor kanë treguar se e zbatojnë në përputhje me ligjet në fuqi dhe se janë deri diku të kënaqshëm me pjesëmarrjen e tyre në këto diskutime.

7. Licencimi dhe lejet mjedisore

Sipas të dhënave të paraqitura nga Komuna në vitin 2022 nuk është lëshuar asnjë leje mjedisore komunale. Ndërsa sa i përket licencave të dhënat e marra nga komuna mund t'i shihni në tabelën e paraqitur më poshtë.

LICENSA	NUMRI	VITI I SKADIMIT
Licenca për shënjimin e drunjëve në pyjet publike;	Plani 10 vjeçar	1-10 vite
Licenca për prerjen e drunjëve në pyjet publike;	Plani vjetor	1 vit, Ose sipas rrethanave
Licenca për përdorimin e produkteve pyjore jodrunore;	Sipas planit të mbarshtrimit	

Përfundime

Gjetjet e këtij raporti janë validuar nga zyrtarët përkatës komunal, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Burimet njerëzore dhe financiare sipas tyre nuk janë të nivel të mjaftueshëm, gjë që mbase reflektohet edhe në gjendjen aktuale mjedisore.

Bazuar në këtë monitorim, dalin konkluzionet se:

-Komuna e Mitrovicës ka krijuar organ përgjegjës për mbrojtjen e mjedisit, por kapacitetet njerëzore brenda këtij organi janë të pamjaftueshme si në aspektin kuantitativ ashtu edhe në atë profesional, ndërkohë që nuk ka pasur as aktivitete për fuqizimin e tyre në raport me kornizën aktuale ligjore dhe në periudhën raportuese nuk është organizuar asnjë trajnim rreth çështjeve mjedisore për stafin e SM dhe SMMA.

-Njohuritë e stafit komunal rreth kornizës mjedisore nuk janë të nivelit më të lartë, derisa përcaktimi i sfidave me të cilat ata ballafaqohen si rrjedhojë e mangësive ligjore në fushën e mjedisit ka qenë i pamundur për shkak të mos listimit të tyre nga punonjësit e SM dhe SMMA.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt dhe se akoma nuk janë miratuar PLVM dhe PKMM; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

Niveli i inspektimit si dhe hartimi i raporteve përkatëse lidhur me zbatimin e kornizës ligjore të mbrojtjes së mjedisit dhe të zbatimit të strategjive mjedisore mbetet i paqartë për shkak të mos shpalosjes së të dhënave në këtë drejtim, derisa është pranuar se në tregues të caktuar nuk ka monitorim.

SM në Komunën e Mitorvicës ende nuk ka ndërtuar sistem të menaxhimit të të dhënave mjedisore, për shkak të mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore. Por vlen të theksohet se kanë raporte të rregullta vjetore të cilat përditësohen në mënyrë periodike

Bashkëpunimi ndërinstitucional në hartimin e politikave publike vlerësohet të jetë i pamjaftueshëm. Niveli i bashkëpunimit me organizatat joqeveritare sa i përket zhvillimit të aktiviteteve të ndryshme është në nivel të kënaqshëm, ndërsa zhvillimin e proceseve me pjesëmarrje publike gjatë hartimit të dokumenteve të planifikimit dhe menaxhimit mjedisor kanë treguar se e zbatojnë në përputhje me ligjet në fuqi.

Komuna në vitin 2022 nuk është lëshuar asnjë leje mjedisore komunale ndërsa janë vetëm 3 licenca aktive.

Rekomandime

- Të shqyrtohen mundësitë për shtimin e punonjësve profesionistë në SM dhe SMMA;
- Të organizohen trajnime për punonjësit e SM dhe SMMA rreth kornizës ligjore dhe rreth çështjeve mjedisore;
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit;
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre;
- Të rriten kapacitetet si dhe të shtohet mbikëqyrja inspektive dhe raportimi mjedisor;
- Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të dhënave mjedisore;
- Të avancohet bashkëpunimi nivel qendror - lokal në hartimin e akteve ligjore dhe strategjive mjedisore; dhe
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore;

Për EC

EC angazhohet për qëndrueshmëri ekonomike dhe qeverisje demokratike në nivel lokal (dhe rajonal) përmes mobilizimit të komunitetit, mbikëqyrjes së vendimmarrjes publike dhe partneritetit në zbatim të programeve dhe politikave zhvillimore.

Për përmbushjen e këtij misioni organizata zbaton projekte dhe nisma në kuadër të këtyre programeve: Qytete/Komuna Gjithëpërfshirëse, Zhvillim i Qëndrueshëm dhe Mjedis e Ndryshime Klimatike.

Ndërsa programi tjetër është ideuar si njësi mbështetëse për veprimin e organizatës dhe synon adresimin e tri sfidave të jashtme dhe të brendshme:

1. Vëllimin e pamjaftueshëm të dijes empirike në vend, përfshi të dhënat e besueshme statistikore, analizat e specializuara dhe mendimet profesionale,
2. Nevojën për konsolidimin e kapaciteteve të brendshme, veçanërisht në hulumtime, baza të të dhënave, analizë, menaxhim, zhvillim komunitar dhe ekspertizë sektoriale, dhe
3. Mungesën e qëndrueshmërisë financiare afatgjatë duke i diversifikuar burimet e të hyrave, me theks në ofrimin e shërbimeve për palët e treta.

Trekëndëshi konceptual që do të orientojë punën e organizatës në pesë vitet e ardhshme (2020 - 2024) ka këto elemente:

1. Gjithëpërfshirjen, 2. Qëndrueshmërinë, dhe 3. Dijen.

EC beson se demokratizimi dhe zhvillimi i gjithëmbarshtëm shtetëror është proces që duhet planifikuar dhe ndërtuar nga poshtë lart. Në thelb të qeverisjes demokratike qëndron hapja dhe përfshirja e të gjithëve në marrjen e vendimeve që kanë për synim të mirën e përbashkët, ndërsa planifikimi zhvillimor kërkon shfrytëzim racional të burimeve territoriale, pa e kompromituar përdorshmërinë e tyre nga gjeneratat e ardhshme. Si demokracia ashtu edhe zhvillimi duhen ndërtuar mbi bazën e dijes së shëndoshë që garanton vendime dhe veprime të mençura dhe vizionare.

Vlerat kryesore të organizatës janë:

1. Paanshmëria - EC vepron në bazë të analizave të thukta dhe gjithëpërfshirëse dhe mënjanon veprimet e ngutshme dhe impulsive. EC synon të përkrahë dhe të shtyjë përpara alternativat të cilat në bazë të hulumtimit dalin të jenë më të përshtatshmet, pavarësisht nëse masa e shoqërisë nuk e përkrahin këtë opsion;
2. Aktivizmi - Anëtarët e EC do të jenë aktivistë të cilët angazhohen në baza të rregullta për të shtyrë përpara bashkëveprimin qytetar për të përmbushur misionin e organizatës;
3. Orientimi drejt rezultateve - Anëtarët e EC janë të orientuar për të arritur rezultate, ku përpjekja nuk i kënaq pritjet e organizatës në qoftë se nuk përfundon me rezultatet e pritura;
4. Komuniteti bazë e veprimit - EC do të jetë gjithnjë pranë komunitetit, duke mësuar nga qytetarët dhe duke ndërtuar konsensus për bashkëveprimin dhe formësimin e shoqërisë.

